



Inatsisartunut ilaasortaq, Naaja Nathanielsen (IA)

§ 36-amut apeqqummut Kalaallit Nunaanni akissarsiutigalugu atortittarnermut akissut

2. februar 2010
Sagsnr. 2010-025036
Dok. Nr. 296892

Naaja Nathanielsen-imut apeqqutaanut pingasunut pingaaruteqartunut qjarusuppunga, tamanna inuiaqatigiinni akissarsiutigalugu atortittarnermut tunngatillugu Naalakkersuisut isumaannik paasissutissiinissamat periarfissiimmat.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@gh.gl
www.nanoq.gl

Akissut 1+2

Ajoraluartumik Naalakkersuisuni ullumikkut Kalaallit Nunaanni akissarsiutigalugu atortittartoqarneranik ilisimasanik uppersaasiisunik ilisimasaqangilaq.

Taamaakkaluartoq isumaqarpugut, aaqqissugaasumik akissarsiutigalugu atortittarneq inuiaqatigiit akornatsinni killeqartorjuusoq ilimagisariaqarlugu tunngavissaqartoq, tassami atungassarititaasut killileereemata.

Kalaallit Nunaanni akissarsiutigalugu atortittartoqarneranik Naalakkersuisuni nalunaarusianik tigusaqarnikuunngilagut.

Tamanna oqaatigereerlugu aamma nassuerutigisariaqarparput, ilisimasat uppersaasikkat ilimagisanit taarserneqarsinnaanngimata, taammaattoq aamma muminganik assortorsinnaanngilarput Kalaallit Nunaanni akissarsiutigalugu atortittartoqarnerasoq.

Ajornartorsiummut annertuumut uunga tunngatillugu, inuusuttut aningaasaminernik ikiaroomartunillu piniarlutik kinguaassiutitigut atoqatigiinnermik akiliuteqartitsisarnerat ajornartorsiutaavoq, nunatsinni ulloq unnuarlut paaqqinnittarfiisa annertuumik alaatsinaaffigisaat pinaveersaartinniarlugulu unitsinniarsarisaat.

Akissut 3

Naalakkersuisut inuiaqatigiinnik toqqissisimaffiusumik pilersitsiniarlutik suliaqarput, arnat timiminnik tuniniaasariaqarnerannik pisariaqarfiunngitsumik. Naalakkersuisuni isumaqarpugut, akissarsiutigalugu atortittarneq inuiaqatigiinni ajornartorsiutaasoq, tassami akissarsiutigalugu atortittarneq nalinginnaasumik takussutissaammat inooriaatsikkut arlaatigut ajornartorsiuteqarnermik, soorlu piitsuussutsumik,

atuipilunnermik, sumiginnagaanermik kinguaassiutitigullu atonerluinermik tunngaveqarluni. Isumaginninnermut tunngatillugu suliniutitta sakkortusarnerisigut, inuiaqatigiit akornatsinni akissarsiutigalugu atortittarnerup navianartorsiortitsinera ajornartorsiutitut takussaalinnginnissaa anguneqassaaq.

Naaja Nathanielsen isumaqatigaarput Kalaallit Nunaata ilaani inuussutissarsiutitigut ineriartitsinerup kinguneranik kinguaassiutitigut atoqatigiinnermik piunasaqarnerup annertuseriarnissaa naatsorsuutigineqartariaqartoq, tamannalu akissarsiutigalugu atortittarnermik pilersitsisinnaasoq. Naaja Nathanielsen-ip taamaalilluni ajornartorsiut pingaaruteqarsinnaasoq saqqummiuppaa, siunissami inuussutissarsiutitigut ineriartornermi, inuiaqatigiillu ineriartornerini nalinginnaasumik eqqarsaatigisariaqakkatsinnik.

Inussiarnersumik Inuulluaqqusilluta

Med venlig hilsen

Maliina Abelsen